

ყოველ დღე ორშაბათს ბარდა

დროება

ცალკე ნომერი ღირს შაშხრათ

განცხადება: მიიღება ქართული რუსულს, სომხურს და სხვა ენებზე

შანი განცხადებისა: დიდი ასო-გბით ასოზე—1 კაპ., ასო-მთავრულით სტრიქონზე—8 კაპ., ჩვეულებრივის ციკროითი—5 კაპ., პატარა—4 კაპ.

რედაქციის უფლება აქვს გაასწოროს და შეამოკლოს დასაბეჭდათ გამოგზავნილი სტატიები. დაუბეჭდელი სტატიები ავტორს არ დაუბრუნდება.

რედაქცია: სოლოლაკზე, სერგეის ქუჩაზე, ივ. ამირალოვის სახლში. № 8.

კანტორა რედაქციისა: სერგეის ქუჩაზე, ივ. ამირალოვის სახლებში, № 8.

ხელის-მომწერა მიიღება კანტორაში. შარვზე მცხოვრებთათვის: ВЪ Типограф. ВЪ редакцію газ. „Дрoбeнa“.

გაზეთის შანი: მთელის წლი-სა—8 მან., ნახევარ წლისა—4 მან. და 50 კაპ., ოთხის თვის—3 მან.

მიიღება ნახევარი წლის ხელის-მომწერა გაზეთს

„დროებაზე“

შანი ნახევარი წლის გაზეთისა (პირველ ივლისიდან პირველ იანვრამდე 1879 წლისა) 4 მან. და 50 კაპიკი.

ხელის-მომწერა მიიღება: თფილისში, (სერგეის ქუჩაზე, ივ. ამირალოვის სახლებში, № 8). შალაქს გარეშე მცხოვრებთათვის ადრეაი: ВЪ Типограф. ВЪ редакцію газеты „Дрoбeнa“.

უმორჩილესად ვთხოვთ იმ ხელის მომწერლებს, რომელთაც მართლ ნახევარი წლის გაზეთის ფული აქვთ უამრტანილი, რომ, თუ ჰსურთ გაზეთი თავის დროზე და დაუბრკოლებლივ მიიღონ, რაც უმიძღვება და უხმარონ დანარჩენი (მომწერ ნახევარის) ფულის უამრტანას.

ტელეგრაფები

(ხალხთა-შორის ტელეგრაფის სააგენტოსი)

ლონდონი, 23 ივნისს. გაზ. „Times“-ის აზრით, შესაძლებელია, რომ ბათუმი დაუთმონ რუსეთს, მაგრამ იმ პირობით, რომ ეს ქალაქი თავის დღეში არ იქმნეს ციხეებით გამაგრებული.

ბერლინი, 23 ივნისს. რუსეთი თანახმაა, რომ, კონტრიბუციის (ომის ხარჯის) ფულად მიღების მაგიერად, მიიღეს ოსმალეთისაგან მიწები. რუსეთი უთმობს ამ შემთხვევაში ოსმალეთის სხვა მოვალეებს.

ვენა, 23 ივნისს. „პოლიტიკურს ძორ-რესპონდენციაში“ იწერებია: რუმინის პალატმა გადაწყვიტა, რომ პოგალნიჩანუს ჩამოერთვას რუმინის წარმომადგენლობის ღირსება ბერლინის ძორგრესზედ.

ბერლინი, 23 ივნისს. რუმინის მინისტრები (წარმომადგენლები) ბრატიანო და პოგალნიჩანუ დღეს წავიდნენ აქედამ (ბერლინიდან).

პრონუბატ, 24 ივნისს. დღეს სალა-

მოს 9 საათზე მავიდა აქ მესამე ძრეისერი (მსწარფლ-მავალი ხომალდი) თავისუფალ ფლოტისა, სახელად „მერინგია.“

ბერლინი, 24 ივნისს. ბუშინდელს ძორგრესის სხდომაზედ გათავდა საბერძნეთის საქმე: ყველა სახელმწიფოების წარმომადგენლებმა ერთ-ხმად სთქვეს, რომ იმ საბერძნეთის ნაწილებს, რომელნიც ოსმალეთ უჭირავს, ავტონომია (თავისგნით ამორჩეულს გამგეობა) უნდა მიენიჭოს; ამას გარდა დელეგატებმა აღიარეს რომ, ხსენებული ნაწილების შეერთება საბერძნეთთან მეროპაში დაამყარებდაო. საბერძნეთის სამზღვარი ძალმამდინ და სალამდრიამდინ უნდა იქნეს გაწეული. მადაწყვეტილია, რომ ნიკშიცი ჩერნოგორიას შეუერთდეს მართი მხარე ანტიკარის ნავსადგურისა აესტრიას მიეცემა და მეორე კი ჩერნოგორიას. თ. ბარჩაკოვს ლორდ ბიკონსფილდთან ჰქონდა მოლაპარაკება.

კატმარბურლის ბირჟა, 25 ივნისს.

(ხალხთა-შორის ტელეგრაფის სააგენტოსი)

ბანკის ბილეთები:

პირველი გამოცემის	—	96—75
მეორესი	—	96—25
მესამესი	—	96—
მეოთხესი	—	96—12
აღმოსავლეთის	—	94—62
მქრო, 1/2 იმპერიალი	—	7—93
თფილ. თავად-აზნ. ბანკის გირაოს ფურცელი	—	—
შინაგანი 5% სესხის ბილეთები:		მან. კაპ.
პირველი სესხის	—	241—
მეორე სესხის	—	238—75

1 მანეთი ღირს:

ლონდონი	—	25—50	პენსი
ამსტერდამი	—	127—50	ცენტი
ჰამბურგი	—	214—	ჰფენიგი
პარიჟი	—	263—50	სანტიმი

საქართველო

მთი სადილი შერიფ-ბაგთან

წარსულს კვირაში ახალციხიდან ჩამოვიდა ჩვენს ქალაქში ახლად ჩვენს

გადმოსული აჭარელი შერიფ-ბეგი ხიმშიაშვილი.

მე ძალიან გულით მიწოდდა იმის ნახვა; მიწოდდა გამომეკითხნა რამე თვითონ იმის თავ-გადასავალზე და უფრო აჭარისა და საზოგადოთ ოსმალის საქართველოს ქართველებზედ.

მიწოდდა, მაგრამ მართალი გითხრათ-პირ-და-პირ მისელო იმასთან მე, როგორც უცნობს კაცს, როგორღაც მეთაკლებოდა; სასიამოვნო არ არის, მართო იმისთვის მოხვიდე კაცი უცნობ ვისმესთან, რომ მიმშინვიეთ გასინჯო, თითქო ჩვენება ჩამოართვა, რამდენსამე კითხვაზე პასუხი მიიღო და მეცე წამოხვიდე.

ამ გვარს შემთხვევაში, ამისთანა დაუპატიჟებელს სტუმართან კაცი თავის დღეში გულ-ღიათ და დაურიდებელიად არ გეტყვის არაფერს, რაც გულზედ აწევს და რასაც ჰფიქრობს... სულ სხვა არის, როდესაც ამისთანა „საინტერესო კაცს“ ვინმე ნაცნობთან თითქო-შემთხვევით შეხვდები, გაეცნობი და დაუწყებ მას-ლაათს. მაშინ ის აღარ მოგერიდება, პირ-და-პირ იტყვის, რისიც თქმა უნდა და რასაც ჰკითხავ, რადგან იცის, რომ საზოგადო, „კეთილ“ ნაცნობთან იმყოფება.

ამისთანა შეხვედრას ვეძებდი მე შერიფ-ბეგთან, და მალეც ამუსრულდა ნატურა:

ბასულ ორშაბათს, 19 ივნისს, ის და უფ. მიხეილ მეფისოვი უფ. სტ. მელიქიშვილთან იყვნენ სადილად მოწვეულნი. სხვათა შორის, მეც არ გაუშვი, რასაკვირველია, შემთხვევა, რომ ამ სადილზე დავსწრებულეყავ და მენახა, გამეცნო შერიფ-ბეგი და აგრეთვე არტანის მახრის ახლანდელი მმართველი უფ. მიხეილ მეფისოვი, რომელიც ამ უკანასკნელ დროს აგრეთვე გამოჩენილ კაცად შეიქნა, რადგან შერიფ-ბეგის ჩვენს მომხრობა, უტყველია, იმას მიეწერება.

როდესაც მესამე საათის ნახევარზედ მივედი ჩვენი მასპინძლისას, თითქმის ყველა სტუმრები პოგროვილიყვნენ. შერიფ-ბეგი მდივანზედ იჯდა; იმის გვერდით იჯდა მ. მეფისოვი.

მე გამაცნეს ერთთანაც და მეორესთანაც; სანამ აქ მყოფი განაგრძობდნენ ჩემს მოსვლამდინ დაწყებულ მუსაიფს, მე მქონდა თავისუფალი დრო, რომ ეს

ორი საინტერესო პირი კარგათ დამე-
თვალისკობა.

შერიფ-ბეგი, როგორც თვითონ სთქვა,
45 წლის კაცია. „ღიღაკობა“ იმას პირ-
ველ შეხედვებზედვე ეტყობა: გარდაშლი-
ლი შუბლი, წათელი სახე, თეთრი კანი,
პატარა, ნაზი ხელები, ღიმილი, დარბაის-
ლოვანი მიხერა-მოხერა და წყნარი, მშვი-
დობიანი ლაპარაკი.

ზარბა ტანზედ ქართული კაბა აცვია
და მხრებზე დაკრებულნი ახალი პაგო-
ნები ამტკიცებენ, რომ ის რუსის ღენე-
რალია.

შერიფ-ბეგი წმინდა, ნამდვილს ქარ-
თულს ლაპარაკობს; მხოლოდ სიტყვე-
ბის გამოთქმაში გურულად უქცევს, იმ
განსხვავებით, რომ გურულებს, როცა
ლაპარაკობენ, თითქმის ცეცხლი ამო-
დისთ პირიდან, ჩქარობენ, სხვა-სხუ-
ბობენ, სიტყვებს ერთი მეორეზე მიაყრი-
ან ასე, რომ ყური ვერ ასწრობს იმათი
ლაპარაკის გაგონებას და ტყინი—გაგე-
ბას; შერიფ-ბეგი კი უფრო წყნარად,
უფრო აუჩქარებლად ლაპარაკობს; და
ისეთი ტკბილი „სიტყვა-პასუხი“ და
უბრალო ლაპარაკშიაც კი ისეთი თით-
ქმის-ორატორული საუბარი აქვს, რომ
შგონი, თავის ღღეში არ მოგწყინდებათ
იმას ყური უგდოთ. მართის სიტყვით,
როგორც ძველი დარბაისელი ქართველი
თავადიშვილის ლაპარაკი გაგიგონიათ,
ისე ლაპარაკობს.

ლაპარაკის დროს ძალიან ხშირად გა-
დახედავდა ხოლომე მის. მეფისოვს, თით-
ქმის უნდოდა ამოეკითხნა იმის სახეზედ
— მოსწონს მისეილს რასაც მე ვამბობ,
თუ არაო? საზოგადოთ ეტყობა, რომ
შერიფ-ბეგს ძალიან უყვარს უფ. მეფე-
სოვა და თანაც ამ უკანასკნელის იმაზე
ღიღი ვაძლენაც უნდა ჰქონდეს.

არც ერთი და არც მეორე გასაკვირ-
ველი არ არის. სიყვარული იმიტომ
არ არის გასაკვირველი, რომ ორთავეს
ერთის ძიძის რძე უწოდენათ და
ეს იმათში ისეთ ნათესაობათ ითვლება
როგორც, მკვიდრი ძმები არიან; უფ.
მეფისოვს რომ შერიფ-ბეგზე გავლენა
აქვს—ესც ადვილად აინხნება იმითი, რომ
მეფისოვი ჰქვიანი, ძალიან მოხერხებული
და, როგორც ჩვენში ამბობენ, „ვაშო-
ქნილი“ კაცია...

საზოგადოება აქარაზედ ლაპარაკობ-
და.

— ქართული ხომ არ დაუვიწყენიათ
იქითკენაო! ჰკითხა ვიღამაც შერიფ-ბეგს.

— რა ბრძანებაა, ბატონო! მთელ
აქარაში სულ ქართულს ლაპარაკობენ,
შინაობაში სხვაენას ვინ ხმარობს? მამა-
კაცებმა კიდევ იციან თათრული, დედა-
კაცებს კი ქართული სიტყვა-პასუხი
აქვთ.

— შერა-კითხვა, ბატონო ბეგო?

— მაგაში კი სუსტობენ. ალაგ-ალაგ
კიდევ იციან ზემო აქარაში, მაგრამ
სხვაგან ძვირად მოგვისწენებთ მედრესე-
ბი (შეკლები) აქვთ და იქ მოლლები

ოსმალოურ წერა-კითხვას ასწავლიან... უ-
ფრო დედაკაცებმა იციან ქართული კი-
თხვა...

— ამბობენ, ბათუმს არ იძლევიან
ოსმალოები და ივარგებს აქარა უ-ბათუ-
მით? პითხა ერთმა ჩვენთაგანმა.

— რატომ არაი, ბატონო. აქარაი
ორია, ბატონო: ერთია ზემო-აქარა;
ქვეყანა მდიდარი, ყველაფერი უხვად
მოდის; ხალხიც მდიდარი, მხნე, მამაცი
და შრომის-მოყვარე; ისეთი გლეხი ვიცი,
ბატონო, რომ წელიწადში ორმოც-და-
ათი ფუთი ერბო გაუყრიდა. მეორე
აქარაი ქვემო აქარაია; ღარიბი ქვეყანა
გახლავთ, მთა-კლდინი არგილია სულ,
არაფერი მოდის; ხალხიც ისეთი ამპარ-
ტავანი და თავ-მოძმონია, რომ დიდი
მეფე როგორ იქნება ისე!.. ახლა, ბატო-
ნო, ამ ზემო-აქარის ხალხს ყველაფერი
შეუძლიან მოიტანოს თფილისში, ან
ქუთაისში, ახალციხეს, ოსურგეთს; რაც
ეჭვრება, მირკალი ვარო, თუ რკინეუ-
ლობა, თუ სხვა რამ, ამ ქალაქებში იყი-
დის. ბათუმი მაინ-და-მაინც არაფრად
დააკლდება იმას. ქვემო აქარაი მთის
ხალხია, ის ზევს არც არარაის გაჰყი-
დის და არც იყიდის.. ადებ-მიცემობაი
არ იციან, ბატონო, იქ...

— მოსურვებს კი აქარის ხალხს
ჩვენსკენ ვაძმოსვლას-მეთქი? ვკნთხე მე.

შერიფ-ბეგი ცოტა არ იყოს შეჩერდა;
მერე გარდახედა მ. მეფისოვს და სთქვა:

— რატომ არა, ბატონო; თუ ბრძა-
ნება იქნება, იგინი როგორ ვაბედვენ
წინააღმდეგობას!

— ამბობენ, თქვენი წამოსვლა ეწყი-
ნათო?

— მწყინათ კი არა, მეტი ჰქნეს; რო-
გორც შეიტყვეს ჩემი წამოსვლა, მეორე
ღღესვე მისულან სხალტას და ჩემი
სახლი, კარი, ყველაფერი გარდაუწვავთ.
შემიტყვეს, რომ თვალი აქეთკენ მეჭი-
რა და ძალიან განხედ მიყურებდნენ...
ადრე ცხრა ბათალიონი მყამდა, ღერ-
ვიშ-ფაშა ყოველ კვირაია მწერდა: გეი-
წი, გეიწი ახალციხისკენო! რას გაჩერ-
ბულხარ ერთ ადგილასაო! ჯერ კი ვა-
ლორებდი (ვატყუებდი), რომ გზა მაქვს
გამაგრებული, ვერ დავინძრევი აქედამ.
მაგრამ, როცა რუსის ჯარი არდანუჯა-
საკენ გაუშვი ხელ-უხლებელად, მაშინ
კი სულ უფრო ეილო ეჭვი ღვერიშ-ფა-
შამ. ახლა სხვა ოსტატობა ვიხპარე:
ჩნუბი ავტეხე ქვემო-და-ზემო-აქარას შუა.
წაუყიდე ისინი და ოთხი ბათალიონი
იმათ დასამშვიდებლათ გავგზავნე; დამრ-
ჩა ხუთი ბათალიონი; კიდევ ორი სხვაგან
გავფანტე და დამრჩა სამი ბათალიონი.
ახლა კი მივწერე ღვერიშ-ფაშას, რომ
ამ სამი ბათალიონით წინ ვერ გევიწევი,
ისევე აქ გამაგრებები-თქვა და ვიყავი. მა-
გრამ ბოლოს მაინც იჭვი ჰქონდათ, კა-
ცები მიდიოდნენ, ჩამასმინეს: იმას რუ-
სისაკენ უჭარავს თვალთ და მეტი
არ შემეძლო, ცოლ-შვილი არტაანში
გავგზავნე და მე ახალციხეს გამოვიპარე.

— ახლა სულ ახალციხეში უნდა
იხპოვროთ, ბატონო ბეგო?

— მაგი ვინ იცის, ბატონო. საქმეზე
ჰკილია; საცა მეტყვიან, იქ უნდა წავიდე.
ჩვენი სახლობა უხედავია ამ სამოც
წელიწადში სამჯერ ჩახრახრული მგენი
ოჯახი: პაპუაჩემი სულთან მაჰმედმა მო-
ინხო სტამბოლში, მოჭრა თავი და რაც
გაჩნდა, სუყველაფერი ფაშეებმა წაიღეს.
მამა ჩემი იყო და ისიც აიკლეს; მე სულ
ხელ-ახლად დავდგი ოჯახი, გვეიშენე
სახლი, მაგრამ ხომ ჰხედავთ, მეც რა
ბედი მქონია: ყველაფერი მივატოვე, რაც
გაჩნდა, ოჯახი, სახლი, კარი და წამო-
ველი...

როდესაც თავის ბედზედ დაიწყო ლა-
პარაკი, როგორღაც დაღონდა და ჩაფი-
ქრდა. შევლანი დაჩუმიდნენ. მაგრამ მას-
პინძელმა გამოგვისხანა ამ მძიმე მდგო-
მარეობიდან:

— მობრძანდით, ბატონებო, სადილი
მიირთვიეთ!

შველანი ავდექით, შერიფ-ბეგის წი-
ნამძღოლობით პურის-საჭმელ ოთახში
შვევლით და სუფრაზედ დავსდით.

ჩვეულებრივად სადღეგრძელოები გია-
ხელით. შევლა იქ მყოფი სტუმრისა და
მასპინძლის სადღეგრძელო რომ დავლი-
ეთ, მასპინძელმა აიღო სტაქანი ხელში
და სთქვა:

— მაცე ჩვენი მოძმე აქარლების სა-
დღეგრძელო იყოს!

ამ სიტყვის გაგონებაზე მე შევატყე,
რომ შერიფ-ბეგს სახე გაუნათლდა, სიამ-
ოვნების ღიმილი მოერია:

— ძი იქნება, ბატონებო, რომ აქარ-
ლებიც ქართველებთან იყვენ შემოერ-
თებული. მაგრამ თუ აგი არ მოხდა,
საცაი უნდა იქნენ, ვინატროთ, ბედნიერ-
ად იყვენ. ბანათლები ეჭვრება, ბა-
ტონო, იმათ. ამდები ახალგაზდაი კა-
ცები ხართ, განათლებულები, წადით,
ვეიცანით, ზოგი აქ მოიყვანეთ, სკოლა
გამართეთ, ასწავლეთ და ასე უნდა... აბა,
რა ძმა ხართ, თუ ისე აბდლოურად და-
ტოვებთ?!

მს იყო შერიფ-ბეგის უკანასკელი, და
კარგი, სიტყვებიც.

შემდეგ სუფრიდამ ავდექით, ყავა და-
ვლიეთ ზალაში და კიდევ გამოვეთ-
ხოვეთ მასპინძელს.

აქედამ შერიფ-ბეგი შევიდა უფ. სტ.
მელიქიშვილის სტამბაში და დათვარი-
ელა. სტამბიდან ის წავიდა უფ. ჩარკვი-
ანის ახლად-გახსნილს ქართულ წიგნე-
ბის მაღაზიაში, იყიდა იქ ოცი ეგზემპ-
ლიარი ქართულა ანბანი, თითო ეგზემპ-
ლიარი ყველა ქართული წიგნებისა, რაც
კი იპოვებოდა ამ მაღაზიაში და შემდეგ
შინ დაბრუნდა.

მეორე ღღეს შერიფ-ბეგი და მ. მ. მე-
ფისოვი ქუთაისში უნდა წასულიყვნენ,
სადაც ამათ უცდიდა თ. შრ. შერიფილი.

ს. მ.

დღიური

* * * ბუშინწინ, კვირას, სოლოლოკზე ამატარეს ორმოც-და-ათამდინ ახლად-გამოყვანილი მილიციონერები, რომელნიც, როგორც გვითხრეს, მანგლისისაკენ მიჰყავდათ; იმათ მიუძღოდა წინ ერთი მილიციის აფიცერი. აუარებელიუ ქუჩის-ბიჭები ყვირილით, ხტუნვით და ერთის ამბრით მისდევდნენ ამ მილიციონერებს.

მართმა სურათმა ძალა-უნებურად მიიქცია ჩვენი ყურადღება: ერთი ვიდაც მოხუცებული დედა-კაცი დროუკაზე დამჯდარიყო და ტირილით და ღრიალით მიჰყვებოდა ამ ხალხს; სახე სრულგბით დასისხლიანებული ჰქონდა; ამბობდნენ, თავის ხელებით დაიკოტნაო, სამჯერ წაუყიდა გული და გადმოვარდა დროუკიდანაო. ჩვენ გვითხრეს, რომ ამ დედა-კაცის ვაჟი წაყვანეს მილიციაში და იმიტომ იკლავდა ასე მწარეთ თავსაო.

* * * ჩვენ შევიტყვეთ შემდეგი ამბავი: სხვათა შორის ვაჭრის საცაზოვის ერთი პრიკასნიკიც იყო თურმე სიაში ჩაწერილი და კენჭი უნდა ამოეღო. მაგამ ბედნიერად გადარჩა თურმე, არ ამოუყიდა. თუმცა ეს ასე მოხდა, მაგრამ ერთი ვიდაცა მივიდა თურმე იმ პრიკასნიკის დედასთან და ხუმრობით უთხრა რომ „შენი ვაჟი მილიციაში ამოვიდაო!“ ამ ამბავმა ისეთი ზედმოქმედება იქონია თურმე საწყალ მოხუცებულ ქალზე, რომ იმწამსვე გული წაუვიდა და როდესაც საღამოს იმის ვაჟი დაბრუნდა მალაზიიდან, დედა მკვდარი დახვდა.

მეორე დედა-კაცს სამი ვაჟი ჰყოლოდა, სამივესთვის თვითონ ამოეღო ბილეთი და არცერთს კი არ შეხვედროდა. ამბობენ, ამ დედა-კაცს მომეტებული სიხარულისაგან წაუვიდა გული და უგრძნობელი წაყვანეს შინაო.

* * * ბაზეთი „მზორი“ ამბობს, რომ სიღნაღში დაუბარებიათ თუილისის ლუბერნიის სამმართველოდამ ასი კაცისათვის სატუსაღო ტანისამოსი. მომეტებული ნაწილი საქობოს, მაქარისა და ანაგის ხალხი არის დატუსაღებულიო; ამათ შორის ექვსი დედაკაციო.

* * * თელავიდან გვწერენ, რომ ამ უკანასკნელ დროს ამ ქალაქში ლატარეია შემოსულა მოდით და ისე დღე არ გაივლის, რომ რომელიმე მცხოვრებელთან ათი, ოცი, ხან ორმოცი და მეტი ქალი არ შეიკრიბონ და ერთის ამბით არ ათამაშონ რომელიმე უბრალო ნიეთი ლატარეიაში ჩადებულთა. სხვათა შორის, ამ დღეებში ერთს თავ-მომწონე სომეხს თავის ახლად-ნაყიდ და გაწ-

ყობილ სახლში გაუმართავს ლატარეია. ლატარეიაში ყოფილა, აბრეშუმის ბაღადი, რომელიც ერთს გასათხოვარ ქალს ამოსვლია; საუბედუროდ, ამ ქალის სახელი ერთს კიდევ სხვა ქალსაც რქმევია, რომელიც ამტკიცებდა, რომ მე მერგო ბაღადიო. ამ ორ სენხიას შუამოსულა ჩხუბი ჯერ სიტყვით და სიტყვით რომ ვერ დაურწმუნებიათ ერთმანეთი, მერე ნაწნავებში ეცნენ თურმე..

* * * ბაქოს გაზეთი გეაცნობებს, რომ რამდენსამე ახალს ალაგს გამოჩენილა კიდევ ნავთის წყაროები და დიდ-ძალი ნავთი ამოხეთქაო. მართა ფუთი ნავთი, ხსენებული გაზეთის სიტყვით, ბაქოში ამჟამად ერთ კაპეიკად ისყიდება თურმე.

ოქის აზბები

კონგრესი

„პეტერბურლის უწყებებში“ დაბეჭდილია შემდეგი დეპეშა 19 ივნისს ბერლინიდან მიღებული:

„ღარწმუნებით ამბობენ, რომ მცირე აზიის საქმეების განხილვის დროს ბონგრესსზე ბევრი დაბრკოლება წარმოსდგებაო. ლორდ ბაკონსწილი ჯერ-ჯერობით არაფერს არ ამბობს იმაზედ—თანხმად იქნება თუ არა, რომ რუსეთმა შეიძინოს ბათუმი და შარსი; მაგრამ შესაძლებელია, რომ, როცა ამ საგნის შესახებ დაიწყებს ბონგრესის სჯას, მაშინ ის წინ-აღუდგება ბათუმისა და შარსის დათმობაზედ.“

სხვათა შორის ბერლინის კონგრესმა ისიც უნდა გადაწყვიტოს, თუ რამდენი კონტრიბუციის ფული უნდა მისცეს ოსმალეთმა რუსეთს. „ბირჟის უწყებებში“ გეაცნობებენ, რომ ამ ომიანობაში რუსეთს სულ 988,000,000 (ცხრა-ას ოთხმოც-და-რვა მილიონი მანეთი) აქვს დახარჯული ამ ივნისის დამდეგამდინაო.

ნემეცური გაზეთის „პრესის“ ჩილიპოპოლელი კორრესპონდენტი იწერება, რომ იმ გარემოებამ, რომ კონგრესმა ორად გაყოფა გადაწყვიტა ბოლგარიისა და ერთი ნაწილი (სამხრეთი) იმისი ისევ ოსმალეთს დაუტყვევა, ძალიან ცუდი შთაბეჭდილება მოახდინა მთელს ბოლგარიაშიო. სამხრეთი ბოლგარიის მცხოვრებნი აღრესს ამზადებენ კონგრესისთვისო და თხოულობენო, რომ ჩვენ მოძმეებს ნუ დაგვაშორებთო.

ამბობენ, ვითომც თ. ბისმარკმა ურჩია ბაკონსწილდს, რომ ინგლისმა თავის მხრითაც რამე დაუთმოს რუსეთს: — მე კონგრესზე სრულგბით იმისთვის არ მოვსულვარო, სთქვა თურმე ბაკონსწილდმა,—რომ ვისმეს რამე დაუთმოვო, „დათმობა რუსეთის საქმეაო!“

საბაასო

ოსტატური თავის გააართლებს

უ. რედაქტორო! მე წაეკითხე „თუილისის მოამბის“ მე-132 №-ში უ. ახუმოვის პასუხი შეასახებ „ღროებიდამ“ გადმობეჭდილის ჩემი კორრესპონდენციისა—ურბებისაგან ვითომც ნაწვალეზის ბავშვის გვიან შემოწმებაზე.

ღარწმუნდით, რომ მე ნამდვილ წყაროებიდამ ვერც ცნობას.

„ღროების“ მე-101-ის კორრესპონდენციაში ზემო-იწერეთილამ ერთი სიტყვა არ არის ტყუილი და არც თქვენ, რედაქტორო, და არც ის რედაქტორი, რომელმანც გადაბეჭდა ეს კორრესპონდენცია თქვენის გაზეთიდან, არ არის მოტყუებული.

ის ბავშვი, რომელზედაც ლაპარაკია, დაიკარგა 4 აპრილს და მესამე დღეზე მკვდარი ნახეს, ესე იგი 7 აპრილს. როგორც უფ. მომრიგებელი მოსამართლის უფ. ახუმოვის პასუხიდან სჩანს, ბავშვის სხეული ამოთხარეს საფლავიდან და შემოწმდა ექიმმა ახუმოვის თან-დასწრებით 14 აპრილს (იხილეთ „თუილისის მოამბე“ № 132 მესამე სვეტზე, 23 სტრ.). ოთხი აპრილიდამ თოთხმეტ აპრილამდისინ, ათი დღე არის გასული..

ჩემგან გამოგზავნილ კორრესპონდენციაში არის ნათქვამი შემდეგი:

„ბამომეძიებელი არ იყო თავის ადგილზე; იმის მაგიერ უ. ახუმოვი და ექიმი, როგორც იქნა, მეათე დღეს მივიდნენ ადგილზე და გაშინჯეს სხეული.“ მე დღესაც ვამტკიცებ, რომ ასე იყო. მამტკიცებ, რომ სწორეთ მკათე დღეს მივიდნენ ბამომეძიებლად უ. ახუმოვი და შესამოწმებლად უ. დოქტორი.

საკმაო არ არის ახუმოვისაგან პასუხად 13 აპრილს შევიტყვე და თოთხმეტს აპრილს მივედიო. 13-ს აპრილს რამ მოუშალა 15 ვერსტზე წასვლა? რა იყო მიზეზი, რომ ასე გვიან წავიდა ამ შესანიშნავ საქმის გამოსაძიებლად? პოლიცია ამბობს, რომ ჩვენ, პირველ განცხადებაზედვე შევასრულეთ ჩვენი მოვალეობაო და ვაცნობეთ ვისიც რიგიაო და რა იყო მიზეზი, რომ ბავშვი კიდევ დამარხეს და საქმე გაათავეს? ჩემის ჰაზრით, ან პოლიციამ არ მიატკია ყურადღება ამისთანა საქმეს და არ შეატყობინა სასამართლოს თავის დროზე და ან პოლიციამ მოახდინა ჩქარა განკარგულება და გაუგზავნა ცნობა ვასიც რიგი იყო, მაგრამ ქალაქდები არ გაუხსნიათ 13 აპრილამდე და მეორე დღეს კი წავიდნენ!

თუ ასეა, აბა ამას ჰქვიან სწორედ ცხელ კვალზე საქმის მიყოლა! მინ არის დამნაშავე ასე საქმის დაგვიანებაში—ჩვენ არ ვიცით; მაგრამ სანამ არ შეგვეტყობინებს უ. ახუმოვი: 1) რომელ რიცხვის დაიკარგა ბავშვი, 2) რომელ რიცხვში მიუვიდა მას პოლიციის ცნობა და, რომელ რიცხვს მოხდა შემოწმება მკვდარი ბავშვის სხეული.ა, მანამ გვაქვს

ქალაქის გამგეობისაგან

თფილისის ქალაქის გამგეობა ამით აცნობებს ქალაქის მცხოვრებლებს, რომ ქალაქის რჩევის გადაწყვეტილების თანახმად, **ბარდახაძევიძე** იმ 1875 წლის **მემორე ნახევრის დასაფასებელი ხარჯისა**, რომელიც ჯერ კიდევ არ არის ზოგიერთებისაგან შემოტანილი, **მინდობილი აქვს** ლუბერსკი სეკრეტარს ალექსანდრე მიხეილის ძეს **ჯაბაროვს**; ამის გამო გამგეობა სთხოვს იმ სახლის პატრონებს, რომელთაც ხსენებული ხარჯი არა აქვთ ჯერ შეტანილი ქალაქის ხაზინაში, წარუდგინონ ის ფული უფ. ჯაბაროვს, რომლისგანაც ფულის შეტანაში დაბეჭდილს კვიტანციას მიიღებენ; წინააღმდეგ შემთხვევაში, ე. ი. ვინც თავის დროზე ფულს არ წარუდგენს, იმათ წინააღმდეგ უფალს ჯაბაროვს შეუძლიან იხმაროს ის ძალა-დასაქანებელი ზომები, რომლის უფლებასაც აძლევს მას საქალაქო წესდების 131 მუხლი; ამას გარდა ქალაქის გამგეობამ სთხოვა უფ. თფილისის მთავარ-პოლიციემისტერს, რომ ამ საქმეში ყოველგვარი შემწეობა აღმოუჩინოს უფ. ჯაბაროვს.

სია იმ მამულებისა (სახლებისა), რომელთაც გარდაუხდელი ხარჯი (ნედომიკა) ადევთ, აგრეთვე ჩაოდნობა ამ ხარჯისა და ჯარიმისა გარდაცემული აქვს უფ. ჯაბაროვს, რომელიც მიიღებს იმასთან წარდგენილ ფულს თავის კაბინეტში, ქალაქის გამგეობის სადგომში ყოველ დღე დილის 9 საათიდან ვიდრე შუადღემდე. თუ ჯაბაროვი არ იქნება, მაშინ ფულის წარდგენა ქალაქის გამგეობის კასსაში შეიძლება. (3—1)

ჩვენ ეჭვი-საქმის დაგვიანებისა. დასაჯერი არ არის, რომ პოლიციამ არ მიჰქცია ამ საქმეს ყურადღება და 4 აპრილიდან 13 აპრილამდე ხმა არ ამოიღო. მით უფრო არ არის დასაჯერი, რომ სახერხის პოლიციის პრისტავი ამტკიცებს, რომ მან, მიიღო თუ არა განცხადება პერევისის მამასახლისისაგან, მაშინვე აცნობა უფ. ახუმოვს; რომელთაც არ იციან საქმე, ფიქრობენ, სწორეთ სუდიაც არ იყო შინა და ვინ მიიღებდა ქალაქის გამგეობის სხვაგან იყო და სუდიაც როგორ დატოვებდა ადგილს? ამისთვის იმედი გვაქვს, არ დაიზარებს უფ. ახუმოვი ორიოდ სიტყვის დაწერას და გეცნობებს: როდეს დაიკარგა ბავშვი და რომელი ნომრით და რიცხვით მიუვიდა პოლიციის ცნობა მას? ამასთან ისიც გეცნობოს, რომელი გარემოება არის გადაცემული „დროებისაგან“ არეულ-დარეულად?

N. N.

შვირილა, 22 ივნისს.

განცხადებანი

დაიბეჭდა და ისეიღება **ბ. ჩარკვიანის წიგნის მალაზიაში** და თელავის სასულიერო სასწავლებელში, უფ. სანცივეთან

„ბატონიშვილი ირაკლის პირველი დრო“

ნაწი თავდადება **ქართვალთა** ტრაგედია ოთხ მოქმედებად, თხუთს. თ. ალექსანდრე ჯამბაკურიან-მრბელიანისა.

გამოცემული ზ. ჰიჭინაძისაგან **წასი 30 კაპ მიკი**

(3—2)

საჭიროა პატარა ბიჭი მოსამსახურედ. მსურველს შეუძლიან მოვიდეს სტ. მელიქიშვილის სტამბაში, **ბანოვის ქუჩაზე**, ამატუნის სახლებში. (3—3)

ნახევარი წლის ხელის-მოწერა გაუმოს

„მზობრზე“

(1 ივლისიდან 1878 წლის 31 დეკემბრამდე) მიიღება „მზობრის“ კანტონში (ბოლოვინის პროსპექტზე, სახლის № 7); გაგზავნილია და მიტანილი **წასი 8 მანეთი**. ქალაქს გარეშე მცხოვრებლებმა გაზეთი ამ აღრესით უნდა დაიბირონ: **Въ Тифлисъ, въ редакцію газеты „Свѣтъ“**. მასაც ჰსურს ხელის-მოწერის კვიტანცია მიიღოს, 5 კაპეიკიანი ღირბის მარკა უნდა გამოგზავნოს.

სხვა ვადებზე ხელის-მოწერის პირობა ისევე ძველი დარჩება: ერთის წლით—15 მან., სამი თვით—4 მან. და 25 კაპ. და ერთის თვით—1 მან. და 50 კაპ. მსურველს შეუძლიან მთელის წლით მოაწეროს გაზეთზე ხელი და ფული კი ყოველი სამი თვისა წინათვე წარმოადგინოს. (3—1)

ახალი წიგნი

„ცოლი თუ გინდათ, ეს არის!“

ერთ-მოქმედებიანი ვოდეილი

ისყიდება: **თფილისში**—**მართანოვის წიგნის მალაზიაში**.

ჭყთაისში—**ანტ. ლორთქიფანიძის ბიბლიოთეკაში**.

კირი

მასასყიდი, ვისაც ჰსურს, შეუძლიან იყიდოს **ტუკიაში**, ნიკოლაევის ქუჩაზე, **საცა ვ. ლ. პოტკოვის სპირტის სარდაფი** სახლის № 44.

რკ. გზა.	დილა.	საღამ.	II კ.	III კ.	ტელეგრაფი	მ. კაპ	მაზანდა	მან	კაპ	თფილისის სამაჟრანალო
თფილისი	9 21	5 18			მ.ცი სიტყვა თფილისიდან:		თფილისი, 24 ივნისს.			მრევის მაედანზე, წინამძღვაროვის სახლებში.
მცხეთა	10 11	6 27	68	38	ჭუთაისს, ზოთს	1	შვედი თფ. ბანჯისა, ფო.	1 40		აგათმყოფებს მიიღებენ ყოველ დღე, კვირას გარდა, დილის 9—1 მდინ.
ბორი	11 58	9 43	2 40	1 33	როსტოვს, მდებსას, მოსკოვს	50	შვედი წითელი	1 20		მ რ შ ა ბ ა თ ს: ქიუჩარიაცი—სირტუგი, ბარალევიჩი—შინაგ. ავთამყ.
ხაშური	1 29	11 57	3 92	2 18	პეტერბურგს, პარშავას	2	ბაბა მრევისა, ფუთი	7 50		ს ა მ შ ა ბ ა თ ს: მერმიშევი შინაგ. ავთამყოფობის, რეიხი და ბახტონი—ბებიოზობის თვალის.
სურამი	1 44		4 42	2 46	მსმალეთში, შევიცარიაში	3	—ამერიკისა, ფუთი	8 50		მ თ ხ შ ა ბ ა თ ს: მერმიშევი—შინაგანი ავთამყოფ, ბაკტა—გულის და ნერვების ავთამყოფ.
შვირილა	5 49		5 81	3 23	იტალიაში და საფრანგეთში	3 50	ბაპენტილი ბაბა ფუთი.	10		ხ უ თ შ ა ბ ა თ ს: მერმიშევი—შინაგანი ავთამყოფ. მაგონსკი—თვალის და მობრეტი—კბილის.
რიონი	6 57		6 75	3 75	ინგლისში	3 75	მატული თუშური ფო.	8 50		პ ა რ ა ს კ ე ვ ს: მერმიშევი—შინაგ. ავთამყოფ. ბახტოვი და ქიუჩარიაცი.
სამტრედიო	7 51		7 73	4 29	ფო. შტა		—თრაქამისა ფო.	5 40		შ ა ბ ა თ ს: მერმიშევი შინაგანი ავთამყოფ. მუხომბის, რეიხი—თვალის ავთამყოფ. და ბაკტი—გულის და ნერვების.
ახ.-სენაკი	8 43		8 57	4 76	ა) თფილისიდან: სამზღვარ გარეთ, ჭუთაისს, რუსეთს—ყოველ დღე კვირას გარდა. ზუგდი. ორშ. და სამშ.		აბრეშუმი ნუხური სტ.	2		
ფოთი	9 50		9 75	5 42	მ. ზურ.—პარასკ. და ორშ. პახეთს—სამშ. და შაბ. ბ) ჭუთაისიდან: თფილისისა და ზოთისაკენ—ყოველ დღე, კვირას გარდა. მ. ზურგეთს—ორშ. და პარასკ.		ჭონი, ფუთი.	5 60		
ზოთი	9 83				წიგნის გაგზავნა რუსეთში კაპ.		ჭონის ხანთელი ფუთი.	8		
ახ.-სენაკი	10 14		1 18	66	და სამზღვარ გარეთ:		სტეპარინის ხანთელი, ფ.	12 70		
სამტრედიო	11 5		2 61	14	ლია წიგნის	4	ხორცი ძროხისა, ლიტ.	99		
რიონი	12 13		3 41	69	დაბეჭდილის (სამი მისხალი)	8	—ცხვრისა, ლიტრაა	99		
შვირილა	1 18	ლაგე	3 98	2 21			სპირტი, ვედრო	5 20		
სურამი	5 12	1 10	5 33	2 96			შაქარი, ბოც. ფუთი	7 80		
ხაშური	5 39	1 37	5 84	3 24			—ფხვნილი ფუთი	6 40		
ბორი	7 5	4 8	7 36	4 9			შავი გრგვალი, გირგ.	70		
მცხეთა	8 50	6 59	9 8 5	4			თამბაქო, ხაშულო ფუთი	8 50		
თფილისი	9 31	7 56	9 75	5 42						